

U taha ha bvumo



Ndi nga madekwana a sa f̄ hisi zwone tshilimo, musi mulindazu a tshi khiya hoko dza phukha dzot̄he af̄ ho zuu musi a sa athu ya hayani.

"Lo kovhela vhoiwe phukha, ri do vhonana matshelo li tshi tsha," u ralo a tshi khou khiya hoko ya pfene.

"Ndi madekwana avhud̄i," hu fhindula Vho Pfene, zwenezwi vha tshi khou n̄ula khiyi dzi re kha bannda ya mulindazu, nga vhuronwane.

"Ndo neta, wee!" Hu amba mulindazu.

"Ndi tou takala uri ndo tshaisa. Ndi na ndala lune ndi si tsha kona na u lindela u lalela na vha mučani wanga."




Musi mulindazuu a tshi tou bva u
tuwa, Vho Pfeñe vha tshimbila
na hoko dzot̄he vha tshi khiilula
magethe adzo.


"Hurini Mufumakadzi Vho Mvuvhu?"
Vho Pfeñe vha ralo, "Kha vha bve,
phathi yo swika!"

"Lo kovhela, Thovhele Vho Ndau,"
Vho Pfeñe vha ralo. "Kha vha bve ri
ye u diphinā phathini!"


Ha vuwa, weleewelee. Phukha dzot̄he
dzo takalela u ṭaha zuu.

Thoho dzo vha dzone dza u thoma
u ṭaha afha zuu. Dzot̄he dza
fumbiliraru dza mbo gonya na u
zhaka luhura lwa ḍarata ya zuu dza
livha phakhani.





Thoho dzo vha dzo takala vhukuma
musi dzi tshi wana ṭafula i re na
zwiliwa zwe zwa vha zwo vhetshelwa
phathi ya duvha li tevhelaho.
Thoho dza mbo la zwila zwiliwa zwothe
zwa phathi ya vhathu.
Dza tamba kha tshinzie na kha
madembetiti.



Khathihi fhedzi, mulindaphakha a
mbo karuwa vhukofheni he a vha
e khaho. A pfa o mangala nga
maanda musi a tshi vhona ḫhoho
dza fumbiliraru dzi tshi khou tamba
phakhani. "Ndi muloro uyu?" Ndi
ene a tshi swoṭa matō.

Ngei murahu zuu, tshibode
Nyathotho ho vha hu hone a
tshi khou dedengela o livha
getheni la zuu.

"Iwe vhathu!" Ndi Nyathotho a
tshi elekanya. "Tshuu!" Hoyu ndi
mushumo ngoho. Ndi vhona u nga
ndi khwiñe ndi tshi didzulela henefha
zuu nda diawetshela."

Nyathotho wa miñwaha ya dana o
vha o no netesa lwe a vho balelwa u
fara dziñwe phukha dzi re phanda.



Mvuvhelo Mvuvhu ene o ri u bva
afha zuu a tsa nga bada khulwane.

Phosho khulu ya zwiendedzi badani
ya mu akhamadza vhukuma. Phosho
iyo yo vha i sa kond^əlelei!

A mbo humbula u edela ngomu
tivhani la kholekhole li re nga nnda
ha ofisi dza vhavhusadorobo, fhedzi
khofhe dza konda nga mulandu
wa phosho ya bele na alamu dza
zwiendedzishishi.



Musanda Vho Ndau vhone vho
ravhula vha tshi tsa na tshittarata.
Vha enda vha tshi fembedza zwiliwa.
Vha nga la mini?

Vha tolela ngomu suphamakete.

"Thuso wee! Ri thuseni!" Ndi
murengi a tshi tzhema.

"Thuso wee! Thusani!" Ndi mulanguli
a tshi vhidzelela kha lutingo.

"Ro dzenelwa nga ndau vhengeleni!
Ndi zwa vhukuma!" U ralo a tshi
amba.




Ndou Muzhou yo vha yone ya u
fhedza u bva afha zuu. Ya sunya
i tshi randa dorobo.

Musi i tshi khou tsa na iñwe ya
dzibada, ya vhona nn̄du i tshi
khou swa. Ya tzwonzwa madi a tshi
bva bambeloni yafafadzela ngao
t̄hanga ya ilā nn̄du. Hu si kale
mulilo wa mbo dzima.

"Vho thusa Vho Muzhou!"
Hu vhidzelela vhadzimamulilo.

"Huree!" Ndi vhataleli vha tshi
zhamba.




Muzhou a tshimbila a tshi f hira
afha doroboni o livha mudanani.


A vhona Ntebo a tshi khou bva
mulamboni. O vha a tshi khou
balelwa u hwala bakete lo daho madì.


"Madì a hone a sokou enda a tshi
gaba," hu amba Ntebo.

"A songo vhilahela. Ndi do mu thusa
u hwala," hu amba Muzhou.

Muzhou a namedza Ntebo mutanani
wawe a humba madì ane a nga dadza
thannge la madì.








Nga tshenetsho tshifhinga ndi musi
Muthangala wa thuda a tshi khou
tepa a tshi ya laiburari. A tolela
nga fasitere la bisi.

"Vha vhone!" Hu vhidzelela mureili
wa bisi.



Hu si kale ndi musi mulindazuu na
vhathusi vhawe vhe kha fulo la u toda
phukha dze dza taha. Na mapholisa
vha da u thusa.

Thoho dza magurannda na thoho dza
mafhungo dziradioni zwa vha zwi tshi
khou sevha vhathu uri vha thanyele
ndau i no khou tandula mavhengeleni.



Phukha dzothé dza vho humbula u
humela zuu.

"Hei, u wana zwiliwa doroboni a zwo ngo
leluwa na luthihi," hu amba Vho Ndau.

"Hei, a thi koni na u dzi bonya nga
nthani ha phosho ya zwiendedzi," hu
amba Vho Mvuvhu.

"Hei, doroboni hu di fana na dakani,"
hu amba Muzhou.



"Phathi yone ro di phina ngayo, fhedzi
ro netavho zwino lune ra vho humbula
u humela hayani," ndi t̄hoho dzi no ralo.
Vho Pfeñe, vhe khii dza zuu vha vha
vha tshee nadzo, vha mbo khiulula
gethe phukha dzot̄he dza vhuyelela
ngomu zuu. "Ahaa, ndi vho di vha he
khii dzanga dza fhelela hone!" Hu
amba mulangazuu.

Nyito dza u vhala nga zwigwada



1

- Lavhelesani zwifanyiso.
- Talutshedzani khonani yanu uri hu khou bvelela mini tshifanyisoni tshiñwe na tshiñwe.
 - Vhudzani khonani yanu uri thevhekano ya zwifanyiso ndi ifhio u bva kha tsha u thoma u swika kha tsha u fhedza.
 - Anetshelani hafhu tshitɔri itshi khonani yanu ni tshi shumisa zwifanyiso.
 - Vhudzani khonani yanu uri itshi tshitɔri tsho ni takadza naa kana hai. Tikedzani phindulo yanu nga mbuno nthihi.




2

Itani litambwa la itshi tshitɔri.



3

Livhanyani liambele lirwe na lirwe na phukha yo teaho.



U lapfa sa

U vha na
tshikhuna sa

U dikukumusa sa

U vha na
vhuhwawho sa

U vha na nungo sa

U sekena sa

U nona sa

U vha na
vhumbulu sa

phikhokho

vuluvulu

phulu




mbongola

nguluvhe

thuda

sankambe

lwatsi



4


Fhindulani mbudziso idzi nga u tou amba na khonani yanu.

- Thoho ya tshitɔri itshi ndi ifhio?
- Vhaanewa vhahulwane tshitɔrini itshi ndi vhonnyi?
- Ndi phukha dzifhio dze dza diphin̄esa?
- Ndi phukha ifhio i no yelana nga maanda na inwi? Ndi nga mini ni tshi ralo?
- Ni vhona u nga ho vha hu tshi do vha ho bvelela mini arali phukha dzi si humele zuu?



5

Olani hafhu uyu mepe wa mihumbulo
buguni yanu ya ndowedzo ni u
fhedzise.



Vhaanewa vhahulwane:

Hu bvelela mini mathomoni?



Thoho:

Hu bvelela mini kha
mutumbu?

Hu bvelela mini
magumoni?



6

Shumisani mepe wa mihumbulo wanu
u ni thuse kha u nwala itsi tshitiori
nga maipfu anu. Nwalani mafhungo a
rathi u swika kha a malo.

